

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U BOSANSKOJ KRUPI**

Broj: 018-0-Su-21-000 235/2

Dana, 17.06.2021.godine

Na osnovu člana 72. Zakona o državnoj službi u Unsko-sanskom kantonu ("Službeni glasnik USK" broj: 14/17 i 10/20) i Odluke o prijemu namještenika u radni odnos na određeno vrijeme (broj: 018-0-Su-20-000 235/1 od 16.06.2021.g.), Općinski sud u Bosanskoj Krupi objavljuje:

JAVNI KONKURS

**za popunu radnog mjesta namještenika u Općinskom sudu u Bosanskoj Krupi
za rad na određeno vrijeme – do povratka namještenika sa bolovanja**

1. NAZIV RADNOG MJESTA:

- *Spremačica* 1 (jedan) izvršilac

2. OPS POSLOVA RADNOG MJESTA:

- obavlja poslove čišćenja kancelarija, sanitarnih prostorija i uređaja, stepeništa, prozora, staklenih površina, kao i inventara u sudu; održava čistoću prostora ispred zgrade suda; osigurava da je u zgradi izvršen sigurnosni pregled tako da je zgrada bezbjedna tokom noći, da se po završetku radnog vremena sve prostorije zaključaju, svjetla pogase, voda zatvori i električni uređaji isključe; putem šefa odsjeka brine se za nabavku potrebnih sanitarnih sredstava; obavlja i druge poslove koji po prirodi spadaju u djelokrug ovog radnog mjesta kao i ostale poslove koje mu odredi šef odsjeka, sekretar i predsjednik suda.

3. USLOVI ZA OBAVLJANJE POSLOVA RADNOG MJESTA:

U skladu sa članom 76. Zakona o državnoj službi u Unsko-sanskom kantonu, kandidati trebaju ispunjavati slijedeće opšte uslove za zasnivanje radnog odnosa na određeno vrijeme:

- da je državljanin Bosne i Hercegovine
- da je stariji od 18 godina
- da je zdravstveno sposoban za obavljanje poslova radnog mjesta
- da ima odgovarajuću stručnu spremu
- da u posljednje dvije godine od dana objavljivanja javnog oglasa nije otpuštan iz organa državne službe kao rezultat disciplinske kazne na bilo kojem nivou vlasti u Federaciji odnosno Bosni Hercegovini
- da nije obuhvaćen odredbom člana IX.1. Ustava Bosne i Hercegovine
- da se protiv njega ne vodi krivični postupak,

kao i posebne uslove predviđene Pravilnikom o unutrašnjoj organizaciji i sistematizaciji radnih mjesta u Općinskom sudu u Bosanskoj Krupi, i to:

- da ima završenu osnovnu školu

**4. SPISAK DOKUMENATA KOJE TREBA PODNIJETI UZ PRIJAVU NA OGLAS
(original ili ovjerena kopija):**

Kandidati su obavezni dostaviti dokumentaciju kojom dokazuju ispunjavanje općih i posebnih uslova oglasa, i to:

- prijava na javni oglas sa kratkom biografijom i kontakt-podacima kandidata (adresa i broj telefona),

- izvod iz matične knjige rođenih,
- uvjerenje o državljanstvu (ne starije od 6 mjeseci),
- dokaz (svjedočanstvo) o završenoj osnovnoj školi,
- ovjerena izjava da kandidat u posljednje dvije godine od dana objavljivanja javnog oglasa nije otpuštan iz državne službe kao rezultat disciplinske kazne na bilo kojem nivou vlasti u Federaciji odnosno u BiH,
- ovjerena izjava kandidata da nije obuhvaćen odredbom IX.1. ustava Bosne i Hercegovine i
- uvjerenje nadležnog suda da se protiv kandidata ne vodi krivični postupak.

Izabrani kandidat je dužan dostaviti ljekarsko uvjerenje o općoj zdravstvenoj sposobnosti prije stupanja na rad, ne starije od 3 (tri) mjeseca.

Za kandidate koji ispunjavaju sve uslove javnog oglasa predviđeno je provođenje usmenog intervjua.

5. ROK TRAJANJA JAVNOG OGLASA I ADRESA ZA PODNOŠENJE PRIJAVA:

Javni oglas ostaje otvoren 8 (dana) od dana objavljivanja u dnevnim novinama „AVAZ“ i na web-stranici Općinskog suda u Bosanskoj Krupi.

Nepotpune i neblagovremene prijave neće se uzeti u razmatranje.

Prijave sa dokazima o ispunjavanju uslova, dostaviti obavezno u zatvorenoj koverti, putem pošte ili lično u pisarnicu suda, na adresu:

**Općinski sud u Bosanskoj Krupi
Ulica Reis Dž. Čauševića br.2.
77240 Bosanska Krupa**

**(sa naznakom: „Prijava na javni oglas za popunu radnog mjesta namještenika
za rad na određeno vrijeme“)**



**PREDSJEDNIK SUDA
Ezić Munevera**